


## Immami misissuineq

1. Nakkutilliinermi angallatit aalisarnermik misissuigaangamik nakkutilliigaangamillu ataaniittunik nakkutilliinermi erfalasuaraqartassapput:



- Nakkutilliinermi angallatit mikinerit kiisalu angallatit ikaarutitut atornerqartut mikinermik nakkutilliinermi erfalasoqarsinnaapput.
2. Aalisariut misissuiffiqineqartussaagaangat nakkutilliinermi angallat radiukkut (VHF) attavigineqartassaaq nakkutilliinermi angallat aterminik radiukkullu ilisarnaammik imminut ilisaritittassaaq.
  3. Aalisariut aalisartillugu, aalisarnermi atortunik ningitsisillugu amoortilluguluunniit uneqquneqarsinnaangilaq ingerlavialuunniit allannqorteqquneqarsinnaanani.
  4. Nakkutilliisut aalisariummut ikereernissamik tungaanut aalisarnermi atortut amuarnerup unitsinneqarnissaa kinguartinneqarnissaaluunniit peqqussutigisinnaavaat, kisiannili misissuinissaaq pillugu nalunaarutip tigoreernerata sivisunerpaamik minutsit 30-t kingorna.
  5. Misissuineq tiiminik sisamanik sivisunerpaajusinnaavoq imaluunniit aalisarnermi atortut amuareernissaasa pisallu misissoreernissaasa tungaanut. Misissuineq unioqqutitsisoqarneranik paasisaqarnermut atatillugu tiiminit sisamanit sivisunerusinnaavoq.
  6. Aalisariutip naalagaata nunagisamini oqartussaasut ajoqusersorneqarani attavigisinnaavai.
  7. Nakkutilliinermi misissuinermilu angallat isumannaatsumik ungasissuseqassaaq ingerlaninilu allannqortittassallugu imarsiornermilu malitassat malissallugit.
  8. Nakkutilliisut misissuinermit nalunaarusiussapput. Angallatip naalagaa nalunaarummik<sup>1</sup> tunineqassaaq atsiornermigullu uppernarsaassalluni. Angallatip naalagaata nalunaarummot oqaaseqaatit ilanngussinnaavai

<sup>1</sup> Assilinera – Nalunaarut elektroniskingorlugu assilisaasinnaavoq tamassuma kingorna angallatip naalagaanut nassiunneqartoq.